



La fiergna – animal spert ed allert

La fiergna è enconuschenta cunzunt per sias miensas aggressivas. Schizunt ils autos na lai ella betg en ruaus.

5



Show d'aviuns da model a Samedan

Quist onn sa chattan puspe ils megliers pilots d'aviuns da model sin la piazza aviatica da Samedan.

7

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuira, tel. 081 920 07 10, fax 081 920 07 15

Hans Amacker nov directur da la Viafier retica

■ (anr/hh) Il cussegl administrativ da la Viafier retica ha eligi Hans Amacker sco nov directur. Cun l'emprim da favrer 2011 daventa el uschia successur dad Erwin Rutishauser. Hans Amacker è dapi otg onns directur dal Traffic regiunal Berna-Soloturn. En quella funcziun è el vegni tsharni suenter esser stà engaschà sin differents secturs. Tranter auter è Hans Amacker stà col-lavuratur scientific tar l'Institut per la planisaziun dal traffic e la tecnica da transport dalla Scuola politecnica federala Turtig. En l'interpresa da perscrutaziun e cussegliazziun INFRAS ha el rimnà experientschas sco manader da la partizun per la planisaziun da manaschi da sistems dal traffic public e l'economia da traffic. Hans Amacker è creschì si biling, per tudestg e talian. El è maridà e bab da dus uffants creschids. Ils proxims mais vegn el a dischlocar sia dimora



dal chantun Soloturn en il chantun Grischun. Comunablain cun la direcziun ed il cussegl administrativ vegn Hans Amacker a perseguir vinnant la finamira da la Viafier retica areguard sias fermezas sco interpresa en servetsch da la clientela, il chantun, la confederaziun ed il turissem en il Grischun.



Ena grupp digls bostgers futurs ò construia cun Albert Signer, igl manader digl curs, sur Alvagni, en meir da crap.

FOTO G.N. STGIER

Luvrar cun oters elemaints

(anr/gns) Siva da treis emdas èn 32 emprendists da bostger digl Grischun e digl Principadi da Liechtenstein an Val Alvra e fon labour cumegna. Igl mats tgi èn aint igl terz on digl emprendissadi absolvan en curs da construc-

ziun, tgi è obligatoric. Durant chel aprendan els a luvrar cun substanzas naturalas tgi dat aint igl gôt, cun crappa u cun beton e betg igl davos cun lenn. Gist aint igl Grischun vignan igls bostgers savens confrontos cun otras lavours manualas ainten igls reviers forestals. Ier on patrungs, genitours ed er oters gia occasiun da vurdar agls emprendists da bostgers sur igls givis. Er nous ischans stos dalla parteida.

Servetsch d'abunents e da distribuziun: tel. 0844 226 226 mail: abo@suedostschweiz.ch



9 771424 749004

> PAGINA 9

Boom en Val Lumnezia

La tscherca da sulom da baghegiar crescha en Val Lumnezia

DA GIUSEP VENZIN / ANR

■ Ils profils creschan en Val Lumnezia sco bulius ord la tiara. Il meins proxim ei l'emprema badelada per la via da quartier tras il Vitget Cuschnaus e l'emprema casa duei era vegnir construïda el decuors digl atun.

Ferton ch'ils impressaris semtgan per la concorrenza da lavur dil niev Dacasa Val Lumnezia a Vella, muossan pliras personas privatas interess da construir habitaziuns da vacanzas e habitaziuns per indigens. Quei ei actualmeins il cass a Morissen, a Cumbel ed a Rumein. Ueli Caduff, il menader dil cudisch funsil e president communal da Morissen, encorscha ch'il sulom ella Val Lumnezia ei tshercaus: «Quei dat dapli lavur per tuts.» En Lumnezia hagi ei aunc plaz per novas casas da vacanzas, conceda el beneventond il svilup positiv. Gest 25 casas construescha BVH Partenari da Panaduz el Vitget Cuschnaus ed il schef Claudio Baracchi ei perschadius dil potenzial turistic dalla vallada. Gioni Capaul da Vattiz ei dapi l'entschatta da quest onn alla tscherca dils interents per las casas modernas



En Val Lumnezia regia in boom da baghegiar. La foto muossa ils profils per las 25 casas dil Vitget Cuschnaus a Cumbel.

FOTO G. VENZIN

cun elements tradiziunals ed ha gia vendiu ina tiarza part. Il vitget duei esser finius en biabein dus onns e

caschunar plivalur ella vischnaunca da Cumbel che piarda il Dacasa Lumnezia che vegn realisau actual-

mein a Vella.

> PAGINA 3

Buca tut ils hosps laian disturbar dall'aura

DA HANS HUONDER / ANR

■ Las jamnas actualas ein ina buna part dalla stagiun aulta da stad. Malgrad l'aura plitost bletscha e freida para la Surselva d'esser visitada bein. Tenor informaziuns da Gérard Carigiet dalla destinaziun da vacanzas Breil, Sursaiassa, Glion e Lumnezia, ei l'entschatta dalla stad reussida: «Nus havein mo poucas pernotta-

ziuns pli pauc ch'igl onn passau.» Il survetsch turistic reagescha cun novas purschidas sin dis da malaura. Parisols e giaccas da plievgia ein oz per gronda part gia in standard. Empau auter sepresenta la situaziun sin las plazzas da campar. «Nus sentin secapescha fetg las lunas dall'aura, gest quei che pertucca las tendas.»

> PAGINA 3



Tgi che fa vacanzas en tenda giavischa bia sulegl.

FOTO H. HUONDER

Ils Fränzlis attiran cun lur lavuratori

■ (anr/fa) Quist'eivna vegnan realisats in connex cul festival XONG illa regiun dals trais pajais trais lavuratori da musica. A Damal i'l Vnuost daja gùsta duos: Ils commembers da la fuormaziun Mnozil Brass mainan ün lavuratori per gliedud chi suna instrumaints da tola. Il segund lavuratori, per instrumaints da cordas, vain manà dals Tanzgeigers e da la fuormaziun Aufstrich cun

giasts. Daspö ün decenni invidan d'ürant il XONG ils Fränzlis a lur lavuratori in sala polivalenta da Tschlin. Ingon as partecipeschan 37 personas ill'età da desch fin settanta ons a quist lavuratori – tants sco amo mai. In venderdi saira dan ils partecipants dals trais lavuratori i'l chastè da Danuder il concert final.

> PAGINA 7



Al lavuratori a Tschlin nu vain neir l'umur a la cuorta.

FOTO F. ANDRY